



# Պարույր Սևակ

## Մի՛րտ իմ

Մի՛րտ իմ, դու նույնն ես, ինչպես որ առաջ,  
Երբ խենթ էի ես ու դեռ պատանի:  
Բայց չէ՞ որ հիմա՝ տարիքըս առած,  
Արդեն և՛ խոհեմ, և՛ հասուն դառած,  
Չեմ ուզում թեթև քամին տատանի  
Այն ծառը, որի հաստ բունը տեղ-տեղ  
Անցած ու չանցած վերքերն անհամար  
Կտցահարել են փայտփորի նման,  
Դարձրել են փշակ, ուր բուն են գտել  
Հիշողություններ, երազներ մեռած...  
Մինչդեռ դու, սի՛րտ իմ, ինչպես և առաջ  
Քո խենթության մեջ ինձ հետըդ առած,  
Տանում ես այստեղ, այնտեղ ես տանում,  
Օտար տների կտուրն ես հանում,  
Մտքնում օտար այգի ու պարտեզ:  
Եվ դու ինձ բնավ չես խղճում կարծես:  
Դու մոռանում ես, որ իմ տարիքում  
Չիր չեն գողանում օտար տանիքում,  
Օտար ծառերին չեն գցում քարեր...  
Ես խնդրում եմ քեզ՝ ինձ չխանգարե՛լ:  
Թույլ տուր մոռանալ, դու քո աստվածը,

Որ քաղցր է կյանքում՝ ինչ գողացված է...

15.VII.1953թ.

Նավչալու